


成都舊志

成都市地方志編纂委員會
四川大學歷史地理研究所 整理



清·佟世雍修 何如偉等纂 李勇先 校點

康熙成都府志

舊鈔本

提要

康熙《成都府志》三十五卷，清佟世雍修，何如偉等纂輯。該書是繼天啓《成都府志》之後又一部重要的成都通志類著作。

成都爲西南都會，居全蜀上游，土沃民稠，素稱陸海，實號天府。然經明末清初戰亂，社會經濟遭到嚴重破壞，城郭鞠爲荒莽，廬舍蕩若丘墟，呈現出「百里斷炊煙，第聞青燐叫月」，四郊枯茂草，唯看白骨崇山」的淒涼景象。至康熙時，成都社會經濟得到了迅速恢復和發展。當時清廷勅令各省纂修《一統志》，成都迭遭兵燹之後，典籍圖章概遭灰燼，文獻之徵難乎求備，以致治亂無稽，盛衰莫辨。當時任四川成都府知府佟世雍有鑒於郡邑之有志，猶國之有史，不可闕典，故於治政之暇，捃摭散佚殘篇，編成是書。該書卷首有序言，有輿圖，全書分爲若幹類，包括輿圖疆域、山川形勝、建置沿革、城池宮室、公署學校、貢賦戶口、秩官名宦、人物科第、土產風俗、古迹寺觀、屯田水利、茶鹽錢法、兵制驛傳、籌邊國計、名賢詩賦等多方面的內容。該志記載上承天啓《成都府志》，下至清康熙年間，如所載成都府貢賦「至康熙二十一年應徵止」，職官替任、府學建置有及康熙二十五年之事，如提督四川等處地方總兵官吳英康熙二十五年任職，成都府儒學條下記載有「康熙二十五年內欽頒御書『萬世師表』四字」。從原書卷首序言可知，康熙《成都府志》正好亦編成於二十五年孟冬。但志書記載還有下及康熙二十六年題請設置驛站之事，可知志書修成之後又有續補。從上可見，康熙《成都府志》是一部反映當時成都歷史的重要著作，是研究明末至清康熙年間成都經濟文化和社會生活的重要參攷文獻。康熙《成都府志》反映的行政區域爲當時成都府路所轄範圍，與天啓《成都府志》大致相同，不限於今天的成都市，還包括四川資州、資陽、內江、簡陽、德陽、綿陽、眉山等所轄部分縣市，因此，康熙《成都府志》也爲研究這些地區歷史文化提供了重要的參攷資料，具有重要的史料價值。

康熙《成都府志》成書後，目前僅有兩種鈔本傳世。一爲民國鈔本，一爲舊鈔本。舊鈔本不知鈔於何時，與民國鈔本相比，錯誤較少。但從書中存在大量簡體字推知，此鈔本或爲解放初所鈔錄，鈔者姓氏及所據底本無從得知。兩種

鈔本皆藏於四川省圖書館和四川大學圖書館。今以舊鈔本爲底本，以民國鈔本爲參校本，並博引其他相關文獻進行校點整理。在整理過程中，爲了統一體例，已將原書中的簡體字一律改爲繁體字。由於原書錯誤甚多，限於學識和水平，難免攷辨不精，引證不當，敬請讀者批評指正。

康熙成都府志序

序一

成都爲西川都會，居全蜀上游。星分井、鬼，地屬梁州。在昔土沃民稠，素稱陸海，山川人物，頗號綺華。自獻逆屠戮後，城郭鞠爲荒莽，廬舍蕩若丘墟，百里斷炊煙，第聞青燐叫月，四郊枯茂草，唯看白骨崇山。我朝底定，置吏綏來，藪澤之哀鴻始集，壓廬之百堵方興。然所雜選擁擠於衢市者伯什，秦、晉、楚、豫中土著僅一二人焉。頻年休養，甫有起色。又值吳逆煽亂，首虐三川，蹂躪六年，皮穿髓竭。蒙王師恢剿，滿漢雲屯。維岷川以東，川以南皆爲逆踞，一切糧糧力役唯於首郡資取，行駐需用唯於首郡辦給，不惟官斯土者東奔西馳，支撐無術，即晨星編戶，夙興夜寐，子婦皇皇。幸蒙我皇上聖筭神武，掃攬槍如西風捲簾，皎日潰冰，維茲殘民，迺得出湯火而登衽席。既蠲木運，復免額徵，如天之仁，直可比隆堯、舜。兼之督、撫兩憲實心潔己，澄肅官方，藩、臬監司承流仰體，儀型百辟，一時守令，無不矢慎矢清。當此政通人和，正宜計畫久遠^①，昭垂典則，迺蒙皇上勅行各直省纂修《一統志》，定版章而徵文獻，甚盛典也。獨是錦官，四經兵燹，圖

籍故老無存，亦甚難乎其爲志矣。然郡邑之有志，猶國之有史，胡可闕哉？況一國有一國之輿圖，則必有分星辨野，以察妖祥。有星野，則必有疆域。有疆域，則必有山川形勝之險阨以設國防。其間世易勢殊，割併不一，則有建置沿革。設險守國，必藉城池。有城池，則有宮室、公署、學校、祠祀，以尊尊貴貴，育士禮神。而民爲邦本，有民則有戶口，有戶口則必有貢賦。貢賦上諸天子，治於有司，故次之以帝王、秩官。秩官之中，恩澤在民而不可泯者，則爲名宦。或由兩榜科第，或擅一代才名，故科目^②、人物又次之。其間孝義、節烈之有關風教，隱逸、流寓之足表儀型，或精長生之學，或讀佛老之書，雖好尚不同，皆足以維風範俗。至於述古蹟、陵墓、寺觀以鑒往，紀祥異、僭據以警來，與夫屯田、水利、茶鹽、錢法以理財，詳兵制、驛傳、籌邊以計國，皆政之不可缺者也。藝文彩藻，雖屬雕虫小技，而名賢詩賦，亦關垂世，文章不得不旁搜博覽，用副採風至意。是以一士之嘉言懿行，人無今古，必書；一女之志行節操，但關名教，必錄。第是郡志統於省志。各郡之志備，即省志所由名也。州邑之志又統

① 正宜：原作「宜正」，據民國鈔本乙正。
② 原本「目」下衍「以」字，據民國鈔本刪。按原書目錄，「科目」當爲「科第」。

於郡志，州邑之志全，即郡志所由稱也。然則郡何志哉？不過繫其大綱，立賦役之總，詳學校之制，列公署秩官，分科貢名次。至於山川人物、水驛鹽茶、忠孝節烈、古蹟祠祀等類，皆各載州邑所載乘中，合之即以觀郡志之全，所以附郭縣志，即以弁郡志之首。蓋其星野、疆域同，山川、人物同，城池宮室同，古蹟寺觀同，即府即縣，即縣即府，無容更立名目也。且余才乏三長，學慚二酉，日惴惴焉，慮無以克副斯任，迺延集耆碩，參稽舊聞。如晉常璩、宋呂大防、李至之先後《華陽國志》，張唐英、陸昭迴之《檣杪》二序^①，趙清獻、范百祿之《古今集記》，全書雖不得見，猶得於《通志》序文中稽其同異，聆其指歸。無非欲使一郡之山川、人物、禮樂、兵農、土宜，一披圖而如見。壽之棗梨，俾善惡知所懲勸，貞淫有所辨分，其所以弘宣風教者深且遠也，寧僅資博洽、廣見聞已哉！爰遵《通志》舊目，編次三十六條，繕寫呈獻。就中或有聞見未周，而懿蹟湮於野馬，時命不偶，而潛德屈於遭逢，寧敢謂悉無罣漏之愆。至於闡幽補闕，統以俟乎後之君子。時皇清康熙二十五年歲次丙寅孟冬穀旦，中憲大夫、知四川成都府事三韓佟世雍撰。

序二

益州古蠶叢國也，山川形勢甲天下，其間靈秀所鍾，才人傑士，及忠孝節義之屬，漢、唐、宋迄今不可勝指。余每肝覽前徽，博觀記載，私心嚮往焉。慨自故明末，獻逆猖狂，屠戮幾盡。繼因兵燹蹂躪，城社丘墟，典籍圖章，概遭灰燼，以致治亂無稽，盛衰莫辨，緬想當年，惟見玉壘山高，錦江水瀉而已。刺史佟公來守是郡，慨然曰：「郡之有志，猶國之有史也。編年紀月，史即天下之志，書人書事，志即一方之史。矧成都屬蜀中省會，向也繁盛之時，郡邑幾何？今也殘破之餘，歸併幾何？前之人因離亂而未遑，後之人復因循而未逮，一郡之事實失傳，百年之見聞罔據，咎有歸也，是吾之責也夫！是吾之責也夫！於是訪諸故老，搜厥遺書，猶恐亥亥傳訛，備加參證，閱數旬而帙以成。但見疆域井然，山川如劃，建置有年，人物有則，經制、賦役、藝文、物產諸條靡不備悉。今天子勵精圖治，詔修天下輿圖，纂爲一代巨典，而益州形勝、風俗、人文取諸帙而有餘矣。是志之成，亦即史之成也，公之功詎不偉耶？余忝屬郡丞，囑余爲序。余不敏，

① 陸：原作「陸」，據《蜀檣杪》卷末後序、《全蜀藝文志》卷三〇改。

惟即其志之有裨於治者而略言之，序云乎哉！

時皇清康熙二十五年歲次丙寅孟冬穀旦，奉直大夫、成都府同知三韓王元士撰。

序三

嘗讀史至王陽迴車軼事，輒廢卷而嘆蜀道之難也。蜀中山環四塞，萬壑崎嶇，屬車棧道則霞袂摩天，挽艦江灘則荷裳拂瀨，古稱天險之區，宦斯土者，每多跋涉之感。甲子春，予自中州移轂，過漢口，入川江，駕扁舟西向。至巫山下，見斷岸千尺，峽流如帶，悠然思神禹之功疑天助，非人力，而幸蜀之能生聖人也。由是緣峭壁，臨深淵，跨危石，觸飛湍，踟躕而上，兩閱月始至成都，釋驚魂而止焉。側見荆榛蔽野，瓦礫盈城。哀鴻翔集，寥寥幾處村煙，吠犬荒涼，寞寞長川草塞。當此凋敝之鄉，可勝痾瘵之痛耶！今上遐披萬國之圖，博採九州之志，俾山川、人物、古今興廢之蹟莫不瞭然於心目中，誠海晏河清、千載一時之會也。第益州迭遭兵燹，典籍無存，文獻之徵，難乎求備。予學慚豹管，幸無案牘之煩，獲佐郡伯佟公掎摭散佚殘篇，凡簞翁樵叟之言畢述，炎碑薜碣之字成稽，附舊帙而輯之，約略成盛世之書矣。獨慨疇昔鋒刃莫施之際，或有忠骸烈骨，名湮沒而不傳，徒厪弔古之懷，亦採風者之遺憾

爾。

時皇清康熙二十有五年歲次丙寅孟冬穀旦，承德郎、成都府通判洪都章元煒撰。

① 乎；民國鈔本作「於」。
② 成；疑當作「或」。

纂修姓名

總裁

四川成都府知府佟世雍。遼東人。

提調

成都府同知王元士。奉天府瀋陽人。
成都府通判章元煒。江西南城人。

監修

四川成都府茂州知州、署成都縣事李斯佺。山東長山人。

纂輯

己卯科舉人何如偉。
癸卯科舉人徐仰廉。
原任秦州州判羅鏞。
候銓恩貢、監生莊延庥。

討論

成都府儒學廩膳生員侯國柱。
成都縣儒學廩膳生員李華。
成都縣儒學廩膳生員顧謐命。

校正

成都縣儒學廩膳生員鍾毓奇。
成都府儒學廩膳生員胡鍾俊。

管理局務

成都府經歷司經歷宋淮。順天人。
成都縣儒學訓導張應奎。昭化人。

康熙成都府志 成都縣附

目錄


提要		(一)
康熙成都府志序		(一)
纂修姓名		(一)
圖		(一)
康熙成都府志卷第一		(三)
星野		(三)
康熙成都府志卷第二		(五)
形勝		(五)
康熙成都府志卷第三		(七)
山川		(七)
康熙成都府志卷第四		(一一)
建置沿革		(一一)
康熙成都府志卷第五		(一三)
城池		(一三)


康熙成都府志卷第六		(一五)
宮室		(一五)
康熙成都府志卷第七		(一七)
公署		(一七)
康熙成都府志卷第八		(一九)
學校		(一九)
康熙成都府志卷第九		(二一)
祠祀		(二一)
康熙成都府志卷第十		(二五)
貢賦		(二五)
康熙成都府志卷第十一		(三三)
帝王		(三三)
先代后妃		(三五)
帝幸		(三七)
列王		(三八)
明蕃封		(四二)
蜀賢妃		(四四)

遷藩附	(四四)	康熙成都府志卷第十八	(一二三)
康熙成都府志卷第十二	(四五)	隱逸	(一二三)
秩官	(四五)	康熙成都府志卷第十九	(一二五)
皇清文職官制	(七〇)	流寓	(一二五)
皇清文武秩官	(七一)	康熙成都府志卷第二十	(一二七)
皇清武職官制	(七四)	僊釋	(一二七)
康熙成都府志卷第十三	(七九)	康熙成都府志卷第二十一上	(一二九)
名宦	(七九)	風俗	(一二九)
康熙成都府志卷第十四	(九一)	康熙成都府志卷第二十一下	(一三一)
科第	(九一)	土產	(一三一)
康熙成都府志卷第十五	(一〇五)	康熙成都府志卷第二十二	(一三三)
人物	(一〇五)	古蹟	(一三三)
康熙成都府志卷第十六	(一一五)	康熙成都府志卷第二十三	(一三七)
孝義	(一一五)	陵墓	(一三七)
康熙成都府志卷第十七	(一一九)	康熙成都府志卷第二十四	(一三九)
節烈	(一一九)	寺觀	(一三九)

康熙成都府志卷第二十五	祥異		(一四一)
康熙成都府志卷第二十六	僭據		(一四七)
	亂臣		(一五一)
	賊盜		(一五五)
康熙成都府志卷第二十七	屯田		(一六一)
康熙成都府志卷第二十八	水利		(一六七)
康熙成都府志卷第二十九	茶法		(一七一)
康熙成都府志卷第三十	鹽法		(一七七)
康熙成都府志卷第三十一	錢法		(一七九)
康熙成都府志卷第三十二	兵制		(一八三)
康熙成都府志卷第三十三	驛傳		(一八七)
康熙成都府志卷第三十四	籌邊		(一八九)
康熙成都府志卷第三十五	藝文		(二〇三)
跋			(二一九)
參攷書目			(二二一)

天文全圖





康熙成都府志卷第一

星野^①

星列三垣，野分八極。經緯彰兩儀之度，璣衡齊七政之文。《禹貢》梁州，華陽實界西陲；天官鶉首，錦江次躔東井。仰觀而天垂有象，爰徵修德之符；俯察而人事無違，聿啟省躬之鑒。紀載昭然，作《星野志》。

《史記·天官書》：二十八舍，主十二州，益州爲參分。

《漢書》：巴、蜀分井、鬼、參。又云：觜、參、參主益州。

《晉書·天文志》：自東井十六度至柳八度爲鶉首。又參七度，益州。

《隋書》：益州分參。《丹元子步天歌》：「天市西垣第四星曰巴^①，五曰蜀。」

《華陽國志》：仰窠參、伐。《蜀紀》：「帝居房心^②，決事參、伐，是爲蜀分。」

《天文占候》：「太白主畢、觜，鎮星主井，五車、卿星、弧矢星俱主益州^③。」

《天文次舍》：「井十度，至鬼、柳，爲鶉首，於辰

在未。」

成都府，井、鬼之分，入參一度，爲鶉首之次。

成都縣、附郭。華陽縣、康熙九年歸併成都縣。雙流縣、

歸併新津。溫江縣、新繁縣、新都縣、金堂縣、郫縣、仁

壽縣、井研縣、資陽縣、內江縣、資縣、簡州、灌縣、

彭縣、併新繁。崇寧縣、併郫縣。安縣、崇慶州、新津縣、

漢州、綿州、什邡縣、綿竹縣、德陽縣、彰明縣、歸併綿

州。羅江縣、併德陽。茂州、汶川縣、威州、保縣。

以上俱屬井、鬼分野。

① 按「星野」前原有「成都縣附郭，華陽縣歸併」十字，爲便於排版，徑刪去。其他各卷同此。

② 又：原作「文」，據雍正《四川通志》卷一改。

③ 歌：原作「籟」，據《玉海》卷三改。

④ 市：原作「帝」，據《宋史》卷四九《天文志》二改。

居：原作「君」，據《華陽國志》卷一二改。

弧矢：原作「孤弧」，據雍正《四川通志》卷一改。

康熙成都府志卷第二

形勝

蜀稱天險，自古難之，不獨疊嶂層巒，凌霄插漢，望之而不可近，即江流陡險，山簣崎嶇。天若固其疆圉，以衛有道之世，惟尤在修德以勝之，則萬國咸寧，罔不率俾矣。作《形勝志》。

成都府

沃野千里，天府之土。《諸葛亮傳》。華陽西極，黑水南流。揚雄《益州箴》。帶二江之雙流，抗峨眉之重阻。左思《蜀都賦》。金躔奧壤，玉壘名區。薛田《成都百詠詩序》。地大且要。蘇洵《與吳職方書》。水陸四衝。《古涪志序》：「左綿據涪上流，水陸四衝，爲蜀重地。」岷、蟠鎮其域。《華陽志》：「岷、蟠鎮其域。五嶽華山表其陽，四瀆汶江出其微。」咽喉於蜀，而臂視諸郡。《廣漢圖經》。天下藩鎮之冠。吳師孟《西樓記》。宜城前遠，柳河後環。《雙流序》。面錦城而負玉壘，枕岷江而跨金馬。《溫江志》。原野衍沃，溪水夾流。《新繁志》。前望龍門，後崇石鏡。《新都志》。龍山盤繞，峽水縈迴。《金堂志》。

跨鰲山之絕頂，望官渡之清流。《仁壽志》。鳳山巖秀，龍門灘高。《井研志》。地壤膏腴，江流清白。《郫縣志》。忠山奇絕，絳水迴環。《簡州志》。山水之秀，不敢與抗。《資陽志》。水秀山明，形勢壯觀。《資陽志》。山勢旗布，四圍江流，環包一邑。《內江志》。重疊險阻，外控西彝，昔人以爲井陘之地。《灌縣志》。彭門斗城。《彭縣志》。天山北拱，栢水東注。《崇寧志》。山圍水合，內制外番。《安縣志》。天國幽風，亭聳於左，龍華讀書臺峙於右。《崇慶州志》。地連邛、雅，山接蔡、蒙。《新津志》。連山環拱東南，沱水旋繞西北。《漢州志》。蓬山高矗天，剛水清濯纓。《什邡志》。武都紫崖之遺蹤，石洞神泉之靈驗。《綿竹志》。有沃饒之利，無崖壑之險。《德陽志》。山形如斗，襟帶三川。《綿州志》。北接漢中，東流涪水。《彰明志》。羅汶水合，龍池山開。《羅江志》。岷山爲江瀆之源，桃關來西域之路。《茂州志》。氏羌極地，全蜀巨屏。山路七盤，石崕多險。《汶川志》。雪山九峰，臨江三面。爲灌口之障蔽，控吐番之要衝。《威州志》。花崖赤水之高深，番境邊隅之控扼。《保縣志》。東西廣八百四十里，南北袤三百六十五里。東至

- ①「四瀆」二字原在上句「嶽」字下，據《華陽國志》卷三乙正。又「汶」字，原作「汶」，據雍正《四川通志》卷一改。
- ②州：民國鈔本無此字。
- ③四十：原本作「肆拾」，徑改。按原本數字或用漢字，或用數字，前後混雜，今統一改爲數字。下同。